

علوم اقتصادیہ و اجتماعیہ

مجموعہ کلاسی

ہر ایک پر تجزی گوی نشر اولیاد

مؤسسہ

احمد شعیب ، رشاد قریب ، محمد جبار

موضوعات

پورے معاملاتی : — روحیہ : احمد شعیب ، — پودجہ :
دائرہ : احمد قریب ، — اصول عمومیہ نکالنے : ناظم رابعہ —
اصول سکونہ عینہ : سافری ارتاق ، — خزانہ اختلال
کبری : احمد شعیب ، — حقوق اساسیہ : رشاد قریب —

مدیر و صاحب انتشاری :

محمد جبار

ایکشنبہ : ۱۰ غروب

انتشاریہ

انور ادارہ و تحریر : طین مطبعہ

۱۳۳۶

بورسه معاملات

کچن نسخہ دن، ابعد

اوچنچی کون تسویہ معاملاتہ règlement مخصوصدر: settling day.
نامہ محرر سنداتک تسلیمی معین، ثابت مہلتار ظرفندہ اجرا ایدیلہ من.
فقط حامل سنداتک مایعاتک صورت اجراسی حقندہ نوئدرہ بورسه سی
نظامنامہ سندہ قواعد مخصوصہ مندرجدر:

اگر بر مشتری تیکتہ ویردیکندن اون کون سوکرا هنوز سندات
کندینہ تسلیم ایدیلہ مش سہ اون برنجی کونی ساعت بردہ مسئولیتی، ضرری
بایعہ عائد اولوق اوزرہ rachat معاملہ سی اجرا ایدر. وپونی بر ساعت
اول اعلان ایلر. اگر مشتری اون اوچنچی کونی یکیردجک اولورسہ
بایع مسئولیتدن قورتولور.

حامل سندات بایعلری ایچون rachat معاملہ سی تسلیم کونی ساعت ایکی
بجوقندہ یاخود مقاولہ دده تسام ایچون بریوم مخصوص تعیین ایدیلہ دیکی حالده
Settling soy ک فردا سندہ وقوع بولور.

بورسه معاملاتی Poppers, brokers دینیلہن متوسطلر معرفتیه
وقوع بولور. برنجیلر یالکز متوسط اولوب آزان دوشانزلر کبی کندی
حسابلرینہ هیچ بر معاملہ یابامازلر. ایکنجیلر ایسہ یالکز کندی حسابلرینہ
ویالکز برنجیلرلہ معاملہ یابازلر. مثلا بر بروکر Broker صاناجق یاخود صاتین
آلہ جنی بر شرورہ مر اجتہایہ جنی معاملہ یی سویلہ مکسزین فلان سندک
فیاتی صورار. شرورہر بوسند ایچین ایکی فیات سوبلر. بوفیاتارک بری
کندینک صاتین آلہ جنی فیات (بالطبع الک دون) دیکری صاناجنی

فیاتر (بالطبع انک یو رک). یوایکی فیاتک مجموعنه Turn of the market ده نیلیر. اکر فیاتلر بروکدرک ایشنه کلیرسه یاصاتا جانی سنداتی برنجی فیاته اشترا ایتکه یاخود آلق ایستدیکی سنداتی ایکنجی فیاتله صاتمغه ژوهری مجبور قیلار. فقط بوجبوریت انکلیر فوندولری ایچین ۱۰۰۰ لیرالقی سرماییه ؛ برلیردن دون قیستله مقید سندات ایچین ۱۰۰ عدده ؛ برلیردن ۱۵ لیرایه قدر قیستله مقید سندات ایچین ۵۰ عدده ؛ دهافضله قیستده اولانلر ایچین ده اوزن آقسینوته قدردر.

لوندرد بورسه سنده سندات فرانسه ده اولدینی کی ، صوگ قوپونک تاریخ تأدییه سندن اعتباراً انتفاع ایدینک اوزره مایعه اولونور یعنی بورسه جدولنه بویله قوته ایدیلیر.

امستردام بورسه سی ساعت برده آجیلوب ۳،۳۰ ده قاپانیر. سنداتک برقمی فرانسه ده اولدینی کی قیدایدیلیر؛ بعض سندات ایچین ده مشترینک مایعه ، فیات خارجنده اولارق صوگ قوپونک تاریخ تأدییه سندن یوم مایعه ده قدر کچن مدتک قائلضی تأدییه ایلمه سی معتاددر. رسماً یالکیز Société de Commerce des Pays-Bas نام شرکتک آقسینولری اوزرینه وعدده لی معامله اجرا اولنور ، لیکیداسیونده ایکی آیده برذر. سندات سائرده نک کافه سی بشین معامله ده تابعدر.

برلینده ، هامبورغده ، و آلمانیاک سائر بورسه لرینده ثابت ، معین بر قائلض کتیردن و یاخود حصه متع خارجنده اولارق ثابت بر قائلض ده آلان سنداتک قوته ایدیلیمه سی فرانسه ده اولدینی کی دکلدر ؛ قائلضلر آیرجه تأدییه اولونور. اولجه مشترینک مایعه ویردجکی قائلض صورت مختلفه ده اولارق سنداتک آلاجنی قائلضه معین ایکن ۱۸۷۴ دن بری بالعموم بانتالرله مؤسسات اعتباریه (رایش بانق متتا) نک ، صنایع مختلفه نک ، معادن و شندوفرلرک (تمتاز سرماییه آقسینولری متتا) عموم آقسینولری ایچین ۴. در. سنداتک بورسه جدولنه شو صورتله قیدندن بالخاصه

آریتر از نقطہ نظرندن يك فائدہ لی ایکی نتیجہ ظہور ایدر: بوصورتہ قید ایدیندن آقیونلرک رایجی یوم مایعہ یہ قدر کچن قاضی محتوی دکلدر؛ یالکیز حصہ تمتع حقنی بخش ایدر .

۲: روپور فیاتاری دہ بردکلدر . لیکیداسیون بر آبلتی اولدینی ایحق بر آنلق قاضی نقصاندر؛ بوفائضدن Reported آریجہ اخذایدر . ایستہ بوندن دولایدزکہ بوبورسہ لردہ روپور شرائط واحوال سائرہ مساوی اولدینی خالدہ ، فرانہ بوزسہ لرندن دوندہ . آریتر از معاملہ سی یاپانلر ایکی پیاسہ آراسندہ کی بوفرقی بیلدیہ جک اولورلرسہ آلدانملری محتقدہ . برلین بورسہ سی اوکلدن ساعت اوچہ قدر ، هامبورغ بورسہ سی ۱۲،۳۰ دن (۲،۳۰) دہ قدر سرمایہ اوزرنده ، فرانقفورت بورسہ سی اوکلدن ایکیہ قدر کشاددر . کرک هامبورغ ، کرک فرانقفورت بورسہ لری وعدہ لی معاملاتی استنا قیلندن و پک محدود مقدارده اولارق اجرا ایدرلر .

ویانہ دودہ معاملات عمومیتلہ پشینآدر . ۱۸۷۴ سنہ سنہ قدر فیاتلرک جدولہ قید معاملہ سی آلمان اصولیلہ یابیلیر ؛ یعنی سندناک فیاتندہ یوم مایعہ یہ قدر کچن قاضلر داخل اولمایوب بونلر آریجہ حساب اولونوردی . ۱۸۷۴ دن اعتباراً بانقلہ لہ تشبثات صناعیہ و نقلیہ آقیونلری فرانسر اصولیلہ دیکری آلمان اصولیلہ قید ایدلمکہ باشلانمشده برنہ صوکرایتہ آلمان اصولتہ عودت ایدیلشدر . بورسہ ۱۲،۳۰ دہ آچیلوب ۲،۳۰ دہ قاپانیر .

ایتالیا بورسہ لرندہ فیاتلر فرانسر اصولیلہ قید ایدیلیر ؛ لیکیداسیونلر آیلتنذر . میلان بورسہ سی ۱۲،۳۰ دن اوچہ وکیجہ (۸) دن (۹) ؛ جنود بورسہ سی ۱۱ دن اوچہ و ۷ دن سکر بیجنہ ، جنود بورسہ سی ۱۰ دن اون برہ ؛ روما بورسہ سی ۱۱،۳۰ دن (۱۲،۳۰) دہ و ۱۳ دن (۲۱) دہ قدر دوام ایدر .

اموال وامتہ ازرنیہ رعدہ لی تمامہ روت

بوزایہ قدر ویردیکمز ایضاحات و تفصیلات اسہام عمومیہ ایلہ سائر

حده سنداتى و تحویلاته متداثر دى . شمدى ده اموال وامته اوزرینه اجرا ایدیلن وعدلی معاملات حقنده بر قیچ سوز سولایه نم :

اموال وامته اوزرینه اجرا ایدیلن وعدلی معاملاتك اشتیتی قیم منقولده اوزرنده اجرا اولونان معاملاتده متیس دکلنده آئیده بحث مخصوصنده اسپه کولاسیونی تدقیق ایده جکمز زمان کوره جکمز وجه ایله صنایع زراعیه پک بویوک ، پک نافع خدمتله اتمکده در . علاقه داران یعنی ارباب زراعت و صنایع و تجارت آردسده بو نوع معاملات کوندن کونه تصم و انتشار ایلمکده در .

وعدلی معاملاتك برنجی یعنی *ferme* قسمنده اموال وامته معین بر مدتده — بو میلت بعضاً بر قیچ آی ، بعضاً بر سنه اولور — تسلیم ایدیلن و وعدده هانکی آیده ایسه او ایک سوکنده تسلیم اولمادیوب مذکور ماه جاری اینجده تسلیم قیلمتی اقتضا ایدر . بوراده مشتریك بايعت امرینه مهیادر . زیرا اموال وامته اسپه و تحویلات کبی اولمایوب چوقری قیاز ؛ شمد و فرلرک تسلیات اینجین حائر اولدقلری مساعدات دولایسله از سلات معینه برکونده وصول بولاماز و عموم تسلیاتی ایک سوکنجی کونی اجرا ایتمک ممکن اولاماز . بناء علیه باد تسلیاتك حائلده بايع صاندینی اموال وامته دینی مشترینه عرض ایدیلیر . بوده *Filière* دنیلان بر تسلیم امرینك بايع طرفندن یازیلوب مشترییه تودیع ایدیله سیله اولور . بو ورته جیرو ایله آخره نقل ایدیله سیله . اگر مشتری ده اموال مذکور دینی باشقا برینه صائمسه جیرو ایدرک کندی مشترینه ، اوده دیکرینه ... اش نقل ایدیلیر . نهایت صیرایشچ کیسه یه صائمش اولان مشترییه کلیر . بوده اموال مذکور دینی تسلیم ایتمک مجبور اولور .

روپورلرده رانتلرده اولدینی کیدر . یالکمز بیع و شرا معامله لری ، عمومیتله ، آیری در . اگر قریباً تسلیم اولوناجق اموال وامته دیکر آیلرده تسلیم اولوناجق اموال وامته دن ده ازیاده آرانسورسه ده بور ؛ بالعمکس عرض ده ازیاده ایسه روپور واردر دینیلیر .

الک مہم معاملات اون، شکر، ہندای، اسپرٹو، زیتون یاغی اوزرینہ
یاپیایر۔ اونار ۱۵ کتال، شکر بہری ۱۰۰ کیلولقی ۱۰۰ چووال،
ہندای ۲۵۰ کتال، اسپرٹو ۱۵۵ ہکتولترہ (۲۵ پیپ) زیتون یاغی
۵۰۰۰ کیلو یاخود بونارک مشروباریلہ آنیر صایلیر۔

اموال وامتہ حکومتجہ قبول ایدیش عمومی مفازلرد موضوع اولزب
معین نمونہ لرد مطابق اولدینی تین ایدہ جک اولان اهل خبرد قومیسونلری
طرفدن کوزولمہ کدن صوکرہ پیاسہیہ جیقاریلاماز۔ ورقہ لر عمومی
مفازلر طرفدن وزد ایدیلیر ومفازلرک، Tıvrêk نک و Lot نک
نومرو لریختیری اولور۔

برتی معاملات ایسہ راتلردہ کدن دہا متوعدر۔ تسلیم
ایتمہک؛ تسلیم ایتمہک ایچین برتیر اولدینی کچی زمان تسلیمک
سولولمہ تأدیہ ایدن کیسہیہ تسلیم ایتمہک ویا آلمق حقتی بخش ایدن
مضاعف برتیرلردہ مستعلیر۔ بومضاعف بریم بالطبع عادی بریمدن دہا
بہانیدر۔ زیرا مضاعف برحق اختیار وریبور۔

بریم ہر حائدہ تأدیہ اولونور واموال وامتہ فیاتندن آیریدر، اوکا
تابع دکلدر۔

بریم جوانی، باشتا کونہ شرائط موجود اولمادیفی خالدہ، تسلیم
ایچین معین اولان ایک ۱۵ ندہ وقوع بولور۔ جواب وریلانجہ معاملہ
عادی، وعدہ سز ماملہیہ منقاب اولور وبو معاملہ لرکچی تصفیہ ایدیلیر۔
بریمی تأدیہ ایدن کیسہ جوانی تعجیل ایتمہک حقتہ مالک ہدہ بو حقتی
نادرا استعمال ایدر۔ زیرا فیاتلردہ ظہوری محتال اولان تحولات حسیہ
حق امتیازیخی ممکن اولدینی قدر اوزون مدت محافظہ ایتمکدہ منفعتی واردر۔
ایستہ کوزولویورکہ اموال وامتہ واسہام و تحویلات معاملات آراسندہ
بویوک برغرق یوقدر۔ یالکز شکل دکیشیور۔

ہاور پورسہ سی ۱۸۸۲ سنہ سندنہ اموال وامتہ اوزرینہ اجرا

اولونان معاملات ایچین برتصفیه صندیغی احداث ایتشدیر . بوندن مقصد ایه کولاتورلری صندیغه فیاتلرددکی تحولات ایله متناسب مبلغ تودینه مجبور ایدردک طرفینک ضرر ایتی احتمائی تحدید ایلدیمکدر . بومعامله ، سندات اوزرینه اجرا اولونان وعدلی معاملاتده کی Couverture ک عیندر . شیانغوده ، نوبورقده ، لوندرده ، لیوربولده ، مارسیلده ، پارسده ، بوداپشتهده ، مانهایمده ، برلینده ، بغدادی ؛ برلینده ، چاودار ؛ بوداپشتهده مصر ؛ برمدد پترول ، پارسده ، یاغ ؛ لوندرده دمرک غیری معادن ؛ پارسده ، لوندرده ، مانغه بورغدهشکر ؛ هاورده ، آمستردامده ، هامبورغدهقهوه ؛ روبه کطورقو آند، آنورسده ، لیزیتده طارائش یوک ایچین بویه صندیلر واردر . هرنه قدر بومؤسسلر هنوز نقطه تکمله وارماده وسائط کافییه مئک اولمایان ایه کولاتورلری پیاسدن اوزاقلاشدیرمق و فیاتلرددکی تحولاتی تنظیم ایلدیهردک منیم خدمتله ایتکدهدرلر .

وعدلی معاملاتک آلمدنی اشئل مختلف

وعدلی معاملاتک برنجی قسمنده یعنی بریمسز اجرا ایدیلدنلرده بایع تنزل ، مشتریده ترفع جهته اوینار، یعنی برنجینک منفعی مبیاعه اولونان سندک قیمتک تنزلده ، ایکنجینککیده ترفعدهدر . طرفینک کار و ضررینک درجه سیده فیاتلردد وقوع بولاجق تغیراتک وسعته تابعدر . بریمی معاملاتده ایه حال بویه دکلدر . بخششه صاتین آلان کیسه ایچین ضرر مقداری محدوددر .

بایع ایچین ایه کار احتمالی محدود اولوب هیچ بر صورتله بخش مقدارخی تجاوز ایدمز . برنجی نوع معاملاتده ترفع جهته اوینایان مشتری ثابت و امین برقرار ویرمشد . نفوذ نظری ، حادثات مستقبله بی صورت رؤیتی کندینه فیاتک همه حال ترفع ایدجکی فکریخی ویردیکندن صاتین

آلغه تشبث ایتشد . بوراده ایسه مشتری ینه ترفع جیتته اوینامقله برابر کندییی متردددر . فیاتلرک بیسه حال یوکه له جکندن امین دکلددر . بایعه کلنجه : کندییی ایچین کار پک محدود اولدینی حائله ضرر غیر محدوددر . بناء علیه بویله بر معامله یه کیرشمه سی مطلقا فیاتلرک حال توقفده قالا جفته فوق العاده امین اولمائه متوققدر . ایسته وعده لی معاملاتک برنجی قسیمله ایکنجی قسمده عینی نتیجه یه انتظاراً یا یلان معامله لرک طبیعت و ماهیتلری آراسنده موجود اولان بوفرک مہمدن دها برنبده ایضاح ایدہ لم : بخشلی معاملاتده ترفع اوزرینه معامله یالان یعنی مشتری بر آرمتردد ، بر آرز قورقانددر . بونک ایچیندرکه هم دها بهالی صاتین آلمنی و ترفع وقوع بولدینی تقدیرده دها آرز برشی قازانمنی ، و فقط هم دہ تنزل و قوعی تقدیرنده دها آرز غائب ایتحکی ترجیح ایددر . بوسایده مشتری معاملاتنده دها چوق تجدید و تکریر ایدہ بیلیر . بورقاعده احتیاطدر .

بریمله بایعه کلنجه : بونلر دایما تنزل جهتہ اوینایانلر دکلددر . اکثریا اللرنده حاضر سندات بولونور و شاید مشتری بریمی قالدیراجق اولورسه بونلری تسلیم ایدن کیمه لردرکه بوصورتله ورددکری سنداتی تکرار اشترا ایچین مناسب فیثانه رجوع ایتهلرینه انتظار ایلرلر . بویله برچوق بایعلر صاندقلری سنداتک بریملرینک کندی منتقلرینه اولارق ترک ایدیلمه سیله ، سندلرینک ناطق اولدینی مبلغ بر قسم مهمی حقنده آمورتیمان اجراسنه موفق اولیورلر . آچیقندن بریمله صاناناره کلنجه : بوغایت تصادفی برایش اولدیفندن بوصورتله حرکت ایدہ نلرک بورسه معاملاتنده غایت زیاده بر تجربه احراز ایتش و بوتجارب مدیده نتیجه سی اولارق برانیت محاکمه قازانش کیمه لر اولماسی اقتضا ایددر . مع مانیه بوکیلرده قوت فکر ایله تنزل جهتہ اوینایان آدملردن معدود اولامازلر ؛ کندیلرخی اکثر احوالده بریمله صاتمغه اجبار ایدہ نشی فیاتلرک توقفدن امین اولمالریددر .

یوقسه مهم بر تنزل و توقعی ظن ایتسه لردی پریمز صامتی البته ترجیح
ایر لردی.

شیمدی وعده لی معاملاتک کرک برنجی و کرک ایکنجی قسمک
آلاجنی اشکال مختلفه دن بحث ایدم . اولاً برنجیدن باشلایم :

مثلاً پهر آی نهایی لیکیداسیون ایچین پولدن بیری ۱۰۱۸۰ فرانسه
۳۰۰۰ فرانق ایراد کتیرر ۳. فرانز اسهاسی آلدی اکر بو آدم آی
ظرفنده آلدیغنی صاتمیشه وعده حلال ایدنجه یا بونلری تسلیم ایده جکینی
یارو پورته ایتدیرد جکینی؛ یا خود صاتمیه یعنی بانکرینه ویا آزان دوت شاترینه
اخبار ایدر . دیگر بر بانکر ویا آزان دوشاتر معرفتله بر صایش معاملسی
اجرا اتمیشه لیکیداسیون کونی بونلری تقاض ایتدیر . اکر یوم معینه
سنداتی تسلیم ایده جکه حسابی تقدماً تسویه ایدوب سندلری آلیر . تسلیم
ایتمه دیکی تقدیرده لیکیداسیون حسابی نتیجه سنده یا بر مقدار مبلغی مدیون
یا خود داین اولاجقدر . ۱۰۱۸۰ فرانسه آلدیغنی سنداتک فیثاتی ۱۰۱۸۵
فرانسه چیقه جق اولورسه ۳ فرانق ایرادده بش ساتیمدن ۵۰۰۰ ساتیم
یعنی ۵۰ فرانق؛ ۱۰۱۹۰ فرانسه چیقه جق اولورسه بهر نده ۱۰ ساتیمدن
۱۰۰ فرانق کار ایدر ۱۰۱۷۵ فرانسه اینه جک اولورسه بهر نده بش
ساتیمدن ۵۰ فرانق زیان ایتمش اولور .

پوله کلنجه اوده تماماً پهره معا کس بر موقعه بولونور . آلتی آی
ظرفنده صاتمیه یعنی آتامیشه وعده نک حائلنده یا تسلیم ایدر ، یا صاتین
آلیر ؛ یارو پورته ایتدیرر .

صاتین آلدیغنی تقدیرده لیکیداسیونده تقاض یا پذیرر .

تسلیم ایتدیکی تقدیرده لیکیداسیون کونی سندلری و یروب مقابلی
اولان مبلغی آلیر . ایتمه دیکی تقدیرده لیکیداسیون حسابی بر مقدار دیخی ،
یا خود مطلوب ناطق اولور . ۱۰۱۸۰ فرانسه صاتمیه سندات ۱۰۱۸۵
فرانسه چیقدیغنی تقدیرده کنیدی تنزله اوینادیغنی ایچین بهر نده بش ساتمدن

۵۰ فرائق کار؛ ۱۰۱،۷۵۰ فرانقه ایستیکي حلاله بهرنده بشر ساتیمدن

۵۰ فرائق زیان ایتمش اولور .

پریمی معاملاته کاتججه :

بیهربولدن آی نهایته ۵۰ ساتیم پریمه بهری ۱۰۲،۶۰۰ فرانقه اولمقی اوزره

۳۰۰۰ فرائق ایرادلق اسهام آلیور . پریم جوانی کونی حلول ایدنجیه

فرض ایدم که فیات ۱۰۲،۵۵۰ فرائقده ، یعنی بش ساتیم تنزل ایتشد .

بوراده بیهرك منفعتی پریمی قالدیرمقده یعنی ۱۰۲،۶۰۰ فرانقه مشتری

اولدیفنی اخبار ایلمه مکده در . زیرا پریمی قالدیرماسه بهرنده تالی ساتیمدن

۵۰۰ فرائق غائب ایتمه سی لازم کلیر . حال بوکه (۱۰۲،۶۰۰) فرانقه مشتری

اولسه فیات ۱۰۲،۵۵۰ ده اولدیفنی ایچین بهرنده ۵ ساتیمدن ۵۰ فرائق

غائب ایتش اولور . برده بیهربولدن یا پریم جوانی فیاتنه صانار

یاخود فیاتلرک یوکه لهسه انتظاراً پریم مشتری اولور ؛ فیاتلر ۵۰ ساتیم

دزجه سنده برتنزلداوغراینجیه قدر بیهرك موقعی دوشمن . ۱۰۲،۶۰۰ فرائقندن

۱۰۲،۱۰۰ فرانقه تنزل ایدرسه پریمی قالدیرمق یاخود قالدیرما مق مساوی

اولور . ایکنجی سنده عینی ضرر واردر . ۱۰۲،۰۵۰ فرانقه ایتنجیه پریمی

قالدیرما مق خیرلی اولور . زیرا پریمی ترك ایتکجه ۵۰۰ فرائق غائب ایدر ؛

۱۰۲،۶۰۰ فرانقه مشتری اولان ۱۰۲،۰۵۰ فرانقه صاتیق و بناءً علیه بهرنده

۵۵ ساتیمدن ۵۵۰ فرائق غائب ایتک تهلكه سنده بولونور .

بوله کنججه او بیهرك تام عکسی موقعده بولونور . اگر پریم جوانی

استانده فیات ۱۰۲،۵۵۰ فرائق ایسه یعنی بش ساتیم برتنزل وارسه مشتری سی

پریمی قالدیرمقده (۱۰۲،۵۵۰) فرانقه مشتری اولور . حال بوکه بابع

۱۰۲،۶۰۰ فرانقه ساتدیفنی شیئی شیمدی ۱۰۲،۵۵۰ فرائقده ایکن تسلیم

ایده جکندن بهرنده بش ساتیمدن ۵۰ فرائق قازانیر . اگر فیات

۱۰۲،۶۰۰ فرائقندن ۱۰۲،۷۰۰ فرانقه چیتارسه طیبی بابع بهرنده ۱۰ ساتیمدن

۱۰۰ فرائق زیانده در . اگر فیاتلر مشتری نك ۵۰۰ فرائق پریمی بایسه ترك

ایتمه‌سی موجب اولدجق بر مرتبه‌ده ایسه بومبلغ باع ایچین برتمع تشکیل ایدر، یاخود سنداشده وقوع بولان تناقص فی‌آنک بر آمورتیجانی مقامنه فاشم اولور.

بورایه قدر ذکر ایتدیکنز مثالرساده معاملاته دائردی. شیبیدی بونلرک دها معضل ومشوشلرنی یعنی بریملی صایشه مقابل عادی بر اشترا؛ یاخود عادی بر صایشه مقابل بریملی اشترا وبریملی صایشه مقابل بریملی اشترا برده *stollage* استلالاز معامله‌لرنی تدقیق ایدوم. بونلرک برنجینه *Fernie contre prime*؛ ایکنجینه *Prime centre Fernie*

اوچنجینه *Prime contre prime* دینیلیر. [۱]. — پییه بولدن آی نهایتی ایچین بهری ۱۰۱,۸۰ اولقی اوزرد ۳۰۰۰ فرانق ایرادلحق ۲. اسام آلدی وپوله آی نهایتی ایچین ۵۰ ساتیم بریمله بهری ۱۰۲,۶۰ فرانقه اومقدار اسهام صتدی. شیبیدی یوراده پییه بریملی صایشه قارشنی عادی مشتریدر. معامله بالطبع ترفع جهته‌در. فقط کار محدوددر. اگر پریم جوابی کونی بریملی معامله‌مشتی طرفندن رفع اولونورسه پییه فی‌اشتراسی ایله فی‌بیعی اراسنده کی فضله فیثات راده‌سند بر استفاده ایددجک وبوکارده ۸۰۰ فرانق اولاجقدر. زیر ۱۰۱,۸۰ فرانق ایله ۱۰۲,۶۰ فرانق آراسنده ۸۰ ساتیم فرق اولوب ۳۰۰ و ۱۰۰۰ ندن ۸۰۰ فرانق ایدر. اگر پریم جوابی کونی پول بریمی ترک ایددجک اولورسه پییه ۵۰۰ فرانق قلش اولورکه بوده، برنجی معامله‌نک فیسی تنزول ایتمک مقتدر اولور، یعنی ۱۰۱,۸۰ فرانقه آلدینی سندات ۱۰۱,۳۰ فرانقه مال اولمش قالیر. بوفیثاتدن اعتبارآده تنزل ندرجه‌ده اولورسه زیان‌ده اومرتبه‌ده اولور. کورولوبورکه بوراده بریملی صایشه قارشنی عادی مشتری اولان کیسه بالنسبه معتدل برترفع اوزرینه اوینامش وغیرمحدود برصورتده معروض اولدینی تنزله قارشنی ده کندینی سغورطه ایتمدز.

بومعامله‌نی پییه بریمله ایکی: اوج مثلی صانه‌رقده اجرا ایددبیایر.

بریم نه قدر چوق صاتارسه تنزله قازشی کندینی اوقدو چوق محافظه ایتش اولور . فقط پرتلی صاتیشک مقداری صورت عادیده اشترا اولونان مقداری تجاوز ایتدیکندن اعتباراً ترفع برضرر تولید ایتکه باشلار . حال بوکه برنجی حالده یعنی صاتیلان مقدار ایله آلان مقدار مساوی اولدینی تقدیرده محدود کره قناعت ایتش اولان کیسه نك ترفعه قازشی لاقید اولدینی یوقاریده کوردک . مثلاً : پیهر بهری ۱۰۱،۸۰ فرانقه ۳۰۰۰ فرانق ایراداتی اسهام آلدی و ۵۰ ساتیم پرتله بهری ۱۰۲،۶۰ فرانقه ۶۰۰۰ فرانق صاندی . بریم ترک ایدلدیکی تقدیرده پیهر ۱۰۰۰ فرانق تمتع ایددجک و بوسایدهده اشترا آتک فیثانی ۱۰۰ فرانقه اینه جکدر . اگر فیآت ۱۰۲،۶۰ فرانقدن یوقارییه چیقارسه ۱۰۱،۸۰ فرانقه ۱۰۲،۶۰ فرانق آراسنده ۸۰ ساتیمدن حصوله کلان ۸۰۰ فرانقی یاواش یاواش بل ایددجک برزیان باشلار . شاید فیآت ۱۰۳،۴۰ فرانقه قدر یوکه لیرسه بوکر تماماً بلع ایدباش اولور و بوندن زیاده سندهده آچیقندن زیان باشلار . پیهر آی نهایی ایچین صورت عادیده صاتین آلاق و دیگر وعده ایچین پرتله صاتهرق عینی طرز معاملی یامش اولور . مثلاً ۱۰۱،۸۰ فرانقه ۳۰۰۰ فرانق ایراد آلوب ۵۰ ساتیم پرتله ۱۰۲،۷۵ فرانقه دیگر وعده ایچین ۳۰۰۰ ، ۹۰۰۰ ... الح فرانقلق صاتار . بو آدم هر هانکی بر سبیه مبنی آی نهایی ایچین صورت عادیدهده صاتهرق و صاندینی بریمی ینه پرتلی صاتین آلاق معامله سنی توقیف ایتدیککی حالده کار ایتک ایچین مطلقاً روپور ایتدیرمه لیدر .

پرتلی صاتیشه مقابل عادی اشترا معاملاتنک یکدیگری نه مربوط *opérations liées* یعنی برلکده ، طویدن منعقد اولایسه جکنی مشائز کوستر مشدر . اگر بو ایکی معامله دن بری دیگری عقد ایدلدکدن سوکرا عقد اولمق ایجاب ایدرسه اوزمان *opérations Subordonnées* نامنی آلیر . ذاتاً بو معاملات هر زمان اولدن دوشونولش بر پلان اوزوینه اجرا

ایده یوب اکثریاً بقتة وقوع بولور . مثلاً پیسه ر آیتک اوننده ۳۰۰۰
غرائق ایرادلیق اسهام الدی فیثاتلر یوکسه لیدی . طبعی نه صورتله حرکت
ایده جگتی دوشونور و فرض ایده لم که دها الویرشلی اولدینی ایچین بریمله
حائمه قرار ویریر و بو صائیشه باشلا دقدن صوکر صورت تادیده اشترا
فیثاتی مناسب کورور و بو صورتله صائین آلمنه قرار ویریر

(۲) تادی صائیشه متابل بریمی اشترا معاملیه سنی تدقیق ایتک ایچین
یوقاریکی مثالزده پیسه رکه قوتلر پارتیسنی تشکیل ایده دن بولک موته نی نظر
دته آلمق کایمدر :

بول ۵۰ ساتیم بریمله بهری ۱۰۲,۶۰ فرانغه ۳۰۰۰ غرائق ایرادلیق
اسهام آلوب بهری ۱۰۱,۸۰ فرانغه ۳۰۰۰ غرائق ده صورت تادیده
صائیدی . کنیدیسی تنزله اویزماقده اولوب ترفع تقدیرنده ضرری محدود
اولاجتدیر . اگر بریم جوانی کونی بریم قالدیر یلاجق اولورسه بول آلم
فیثاتیه صائیش فیثاتی آراسنده کی فرقدن یعنی سکان صائیه دن ۸۰۰
غرائق غائب ایدر . فیثات ۲۰۲,۱۰ غرائق و بوندن یوقاری اولنجه بولک
بریمی قالدیر مقده منفعتی واردر . زیرا ترک ایده جک اولورسه بو بریمدن
ماتدا یکی وقوع بولاجق اشترا سندن کنیدی ضررینه اولارق تحمل
ایده جک فرقی فدا ایتیش اولور . حال بوکه قالدیر نجه بالنسبه دها آرزیان
ایدر . اگر بریم جوانی فیثات ۱۰۲,۱۰ فرانقدن آشاغی اولورسه بریمی
ترک ایدر . فقط صورت تادیده صائیشنی اشترا ایتک صورتیه بو ترکدن
متولنه ضرری تنقیص ایده جکدر . فی الحقیقه بریمک ترکندن متولنه ۵۰۰
غرائق ضرر کنیدی س صائیش فیثاتی ۱۰۱,۳۰ فرانغه تنزیل ایدر . و تنزل
بوندن زیاده اولورسه اوزمان کنیدیسی ایچین کار باشلار .

بول بو معاملیه نی بریمی مقداری تضعیف ایده رک و یا دها فضله بر مقدارده
ابلاغ ایله یه رکده اجرا ایده بیلیر . بو تقدیرده کنیدیسی هم ترفعه هم تنزله
- بوکا بورسه اصطلاحنجه Achieval دنیلیر . - معروض قیلار : مثلاً

۵۰ ساتم پرمله ۱۰۲,۶۰ فرانده ۶۰۰۰ فرانلق آئوب ۱۰۱,۸۰ فرانندن
 ۳۰۰۰ فرانلق صانسه ترفعدن مستفید اولماسی ایچین پریم جوابی فیاتینک
 ۱۰۳,۴۰ فرانده چقماسی، تزلدن مستفید اولماسی ایچین ده ۱۰۰,۸۰
 فرانندن آشغی اینهسی لازمدر . زیرا پریمی قالدیراجق اولسه ۶۰۰۰
 فرانده ۱۰۰۰ فرانلق زیان ایدر . صورت عادیده صاتیش فیاتی ده بوندن
 دولای ۱۰۰,۸۰ فرانده اینر . بناء علیه بوندن دها دون برمقدارده تسلیم
 استفاده ایتکده باشلار . - دیگر طرفدن پریمی صاتیش ابقا اولونا جق
 اولورسه یعنی آلیم صاتین فیاتی آراسنده کی ۸۰ ساتیمدن ۸۰۰ فرانلق غائب
 ایدیلرک عادی برایشرایه قلب ایدیلرسه ۱۰۲,۶۰ فرانده مال اولان سند
 ۱۰۳,۴۰ فرانده چقمش اولور . بویاتدن یوقورییه وقوع بولاجق
 ترفعدن کندینه استفاده حصوله کلیر .

بول دیگر وعدیه ۵۰ ساتم پرمله ۱۰۲,۷۵ فرانده آئوب تصفیة
 جارییه ۱۰۱,۸۰ فرانده صورت عادیده صاتیلیر ؛ بوتقدیرده برنجی
 لیکیداسون ایچین تزله ؛ دیگر ی ایچون ترفعه اویناش اولور .
 بورادده یوقاریده سوبله دیکمز کی معاملات یکدیگرینه مربوطه
 تابع یا خود مستقل اولور .

(۳) — پیهر پولدن بهری ۱۰۲,۶۰ فرانده ۵۰ ساتم پرمله ۳۰۰۰
 فرانلق ایرادلق ۳۰۰۰ فرانسر اسهامی صاتین آلمش وینه بهری ۱۰۲,۷۵
 فرانده ۲۵ ساتم پرمله ۳۰۰۰ فرانلق ۳۰۰۰ اسهام صاتمش فرض ایدم .
 یوقاریده سوبله دیکمز وجه ایله نه قدر کوچولوده اولورسه نیات او قدر
 زیاده اولور . بناء علیه معاملته آن وقوعنده پیهر ایچین کاغذ اوستنده
 اون بشر ساتیمدن ۱۵۰ فرانلق کار واردر . فقط پیهرک بوتیمی اخراز
 ایدیلرسه ایچین پریم جوابی کوننده یوکسک پریمک قالدیرلش اولماسی
 وایکی معاملته نک معاملته عادیه حائه منقلب اولوب تقاض ایدیش بولوماسی
 لازمدر . فقط بعضاده دون پریم رفع ایدیلر . مثلا پریم جوابی فیاتی

۱۰۲،۴۵ ایسه بالطبع ۲۵ ساتیملك پریم ترك ایدیلیر . بوتقدیرده پیهر
۳۰۰۰ فراقلق سنداتی ۱۰۲،۶۰ فرانقه نادى صورتده اشترا ایدرسده
ترك اولونان پریمدن قازاندیخی بکرمی بش ساتیم سایهسده بونلك فیاتی
۱۰۲،۳۵ فرانقه تنزل ایدر . وبونی پریم جوانی فیاتنه حاتجه بهرنده
اونر ساتیمدن ۱۰۰ فراق قازانیر . اگر پریم جوانی فیاتی ۱۰۲،۴۰
ایسه کاری ۵۰ فراقندن عبارت قالیر . ۱۰۲،۳۵ ایسه نهکاری نهزیانی
اولور . ۱۰۲،۳۰ ایسه ۵۰ فراق زیان ایدر ؛ ۱۰۲،۲۵ ایسه ۱۰۰ فراقی
ضررلی اولور . فیات ۱۰۲،۱۰ فراق اولنجه پیهر ۲۵۰ فراق غائب
ایدر . كرك پریمی دفع ایتین ، كرك ترك ایتین فی الحقیقه بر طرفدن
۲۵ ساتیم برپریم آلوب کنديسه ترك اولان - دیگر طرفدن ۵۰ ساتیم
بر پریم ترك ایدنجه ۵۰۰۰ فراقله ۲۵۰ فراقی آراسنده کی ۲۵۰ فراقی
فرق غائب ایتمهسی طبعیدر . بناءعله پیهر ك معاملهسی محدود بر کار
یاخود محدود بر ضرر دوچار اوغنه معروض اوله جقدر .

پوله کلنجه اوده عینی فکره تبعیت ایدر . ۲۵ ساتیم پریمله ۱۰۲،۷۵
فرانقه صاتین آلوب ۵۰ ساتیم پریمله ۱۰۲،۶۰ فرانقه صایور . بونكده
کاغد اوزرنده ۱۵ رساتیمدن ۱۵۰ فراقی زیانی واردر ؛ اگر یالکز
۲۵ ساتیملك پریم ترك ایدیلیرسه زیان بوندن دها دون اولورسه ده هیچ
بر صورتله بومقداری تمناوز ایدمز . عموم پریملر ترك ایدیلدیکی تقدیرده
ایسه کنديسه ترك اولان ۵۰ ساتیمه مقابل کنديسی ۲۵ ساتیم ترك
ایتدیکندن آراده ۲۵۰ فراقی قازانش اولور . خلاصه كرك پیهر كرك
پول یعنی طرفین كرك کار ، كرك ضرر لرخی اولدن تحدید ایتك ایستلرسه
پیهر بر ضرر احتمالی قبول ایدرك کاغد اوزرنده کنديسه برکار تأمین
ایلمیدر . پول ، برکار احتمالی دوشونهرك کاغد اوزرنده بر ضرر قبول
ایدر . (۴) استهلاک معاملهسده ایسه طرفینک بری استهلاک مشتریسی
اولوب معین بروعدنك ختامده معین بر مقدار سنداتی بایع ویا مشتری

اولیٰ یعنی استہلاز باہمی دیکھنے دیکر طرفہ بیان و اخبار ایتک مجبوریتند در۔
 ہو معاملہ استہلاز مشتریہ نسبتہ صورت عادیہ صالیان بر مقدارک
 ضعیفی درجہ شدہ بر مقدارک پریمہ اشتراسی؛ استہلاز باہمہ نسبتہ صورت
 عادیہ ساتین آلتان بر مقدارک ضعیفی درجہ شدہ بر مقدارک پریمہ
 صالیانک بر صورت مرکبہ سندن عبارتند۔

مثلاً فرض ایدہم برہم آی نہایتی ایچین صورت عادیہ ۱۰۱,۸۰
 فرائقی: ۵۰ ساتیم پریمہ ۱۰۲,۶۰ فرائقی ایدیور۔ پیہر ۵۰ ساتیم
 پریمہ ۶۰۰۰ فرائقی رانت آلوب ۳۰۰۰ فرائقی رانتدہ صورت عادیہ
 صانارسہ پریم جوانی کونی فیئات ۱۰۳,۴۰ دہ ایہ مشتری اولور۔ پریمی
 ترک ایتدیکی تقدیردہ صالیش فیاتی ہو چہندن ترک اولنان پریم درجہ شدہ
 آزالارق ۱۰۰,۸۰ فرانغہ اینر۔

ایستہ پیہر بوصورتہ حرکت ایدہ جک بردہ براستہلاز ساتین آلبرہ
 فیاتی ۱۰۳,۴۰ فرائقی اولور یعنی یا ۱۰۳,۴۰ فیئاتہ ۳۰۰۰ فرائقی رانت
 اشترا ایتک یا خود ۱۰۰,۸۰ فرائقی فیئاتہ ۳۰۰۰ فرائقی صامق اختیارینی
 محافظہ ایدر۔ فقط نہایت پریم جوانی کونندہ بونلردن ہانکیسی اختیار
 ایدہ دیککی اخبار ایتہ ایدر۔

استہلاز فیاتلری آراسندہ کی فرقہ قواعدی دہ پریم فیاتلری
 آراسندہ کی فرقہ قواعدینک عیندر۔ نظریۃً پریم ایچین پریم مقداری
 نہ قدر کوچوک و وعدہ نہ قدر زیادہ ایہ فیئات اوقدر فضلہ در۔ پورسہ دہ
 عرض و طلبک درجہ سی بوکا تاثیر ایتکدن خالی قالماز۔ احوال و وقایع
 استہلاز اورندہ دہ بالطبع ایقاع تاثیر ایلر۔

استہلاز باہم مشتریہ کار و ضرر احتیالری نہرادہ دہ در۔ ابتدا
 مشتری نی تدقیق ایدہم:

اولا شونی سولیہ یلم کہ فیاتلردہ پک بویوک ترفع و تنزلار وقوعی
 تقدیرندہ استہلاز مشتریہ اولان پیہر مطلقاً کاردہ در۔ ۱۰۳,۴۰

زیرانیات	۱۰۲,۱۵	فرائق اولونجه پهنده	۱,۲۵	فرائق:
»	۱۰۲,۲۰	»	۱,۲۰	»
»	۱۰۲,۲۵	»	۱,۱۵	»
»	۱۰۲,۳۰	»	۱,۱۰	»
»	۱۰۲,۵۰	»	۰,۹۰	»

زیان ایدر و پریم جوابی فیثائی ۱۰۳,۴۰ فرانغه تقرب ایتدجه پیهرك
ضرری تناقص ایدر . بو مقدارده وارنجه كار و ضرر مساوی اولور .
صوبكراده كار باشلار .

استهلاز بایی اولان بوله كلنجه :

۱۰۰,۸۰ فرائق ایله ۱۰۳,۴۰ فرائق آراسنده کی فیثاتلرك کافه سنده
منتع اولور و بومنعتك درجه سی پیهرك درجه ضرریله متاسب بولونور .
فقط فیثاتلرده پك فضله ترفع و تنزلر وقوعی تقدیرنده ضرری پك زیاده
اولور . مثلا فیثات ۱۰۳,۴۰ فرانغه چیقنجه کنديسندن بوفیثات ایله
۳۰۰۰ فرائق رانت طلب ایدیله بیلیر ؛ فیثاتلر ۱۰۰,۸۰ فرانغه تنزل
ابدنجه کنديسینه بودون فیثات ایله ۳۰۰۰ فرائق رانت اعطا اولونایلیر .

خلاصه بورسده وقوع بولاجق تحولات عظیمه استهلاز مشتری
اولان پیهرك لهنده، معتدل تحولات و اهتزازات ایسه علیهنده ؛ فیثاتلرده کی
توقف نسبی استهلاز بایی اولان بولك لهنده، تحولات عظیمه ایسه علیهنده در .
بوراده بواضاح ایتدیکمز معاملات بیاسه یی ، بورسه یی اداره ایتك
ادعاسنده بولمقزین یالكز اسهام و تحویلاتك حرکات و اهتزازات
مختلفه شن مستید اولمق ایستیلر طرفدن اجرا ایدیلیلر . فقط اسبه کولاسیون
ایچین فوق العاده بر ذکا و استعدادده ، دهها درجه سنده بر اقتدار و لیاقه
مالک و وسائط عظیمه صاحبی اولان کیمسه لر واردرکه بونلرك نظرلری
یالكز بواسطاده منحصر اولمایوب عموم بیاسه یی اداره ایتك درجه سنه
قدر یوکسه لیر . بو آدملر آز چوق مهارتله اجرا ایتدکلری معاملات

مختلفه سایه‌سند بورسه مداوملرینك كانه‌سنى ایتر ایسته‌من كندی
فكرلرنی قبوله مجبور قیلازلر . و بو صورتله قصد ایستدکاری نتیجه‌نی
حصوله کتیرلر یعنی فیاتلری تنزیل ویا ترفیع ایتمك مقاصدندن هانکیسنى
تعقیب ایدیورلرسه اونى استحصاله موافق اولورلر . بوکجی آدملر بورسه
تاتلك پادشاهلریدر . برملکتنی اداره ایدن حکمدارلرکی بونلرده آزچوق
برزمان طرفنده بورسه‌ده حکمران اولورلر . عیجا بو آدملر نه‌کی محرکات
ومؤثراتك تحت تأثیرنده حرکت ایدرلر ؟

آشاییده دها مفصل صورتده کورده‌جکمز وجه ایله اسپه‌کولانورلك
صنعتی فیاتلری اداره ایتمكدن زیاده استدلال ایله مکده یعنی ناصبل بر طریق
تعقیب ایده‌جکنى آکلایوب اوندن استفاده ایله مکده‌در . مثله هله یالکیز
مختلف صور ترتیبه ایله اهترزاز ایتمك درجه‌سنى اعظام ایده‌بیلرلر .
نتیجه حسابده تنزیل ویا ترفیع جهته اولان بر حرکتی متمادی قیلان نئی
سنداتك ماده تسلیم و تسلیمدر صور آخره ایله استحصال اولان نتایجك
كانه‌سنى کچجیدر ، موقتدر . بوسایه‌ده یالکیز افکار عمومیه موقه صنی بریوله
سوق ایدیلرلك بوندن خصوصی صورتده انتفاع اولونابیلر . مع‌مافییه بو
فئنده هرکس میسر اوناز . هرکس بورسه‌ده وقوع بولاجق تحولاتی ،
پك کوچوك ، پك مبهم بعض علائم و اماراتدن استدلال ایتمك اقتدارنی
حاضر دکلدر . بوتمایلائی کشف ایتمك ده کافی اولمایوب آن معینه کندی
قوتندن ماعدا وسائطندن ماعدا باشقهرینك وسائط و قواسنده مالک
اولاجقنه یعنی بونلرکده کنبدی طرفنده بولنه‌جقنه امین اولمق لازمدر .
زیرا بورسه‌ده محاربه‌کی هنر و صنعت معین برزمان و مکانه قوتلی بولمقده‌در .
پشینا بیع و اشترای کینتی یوقاریده سوبله‌دیکمز وجه‌ایله اده نقد ویا
سند بولماسنى ایجاب ایتدیکندن بو وسائطی استعمال ایله ملک بهالی‌در . بوندن
دولانی دائماً نتیجه مقصوده وعده‌لی معاملات ایلدواصل اولمق چاره‌سنى تحریر
ایدایر . بونك ایچین ده اجرا ایدیلن معامله‌نك خصمه نه‌صورتله دهاضرر
قیلنمیه‌جکنى کوستره‌جك و سائط آرامق لازم کلیر . فیاتلرده تنزیل

وقوعه کتیرینک ایسته ندیکی وقت صورت عایدده صاتیس بریملی صاتیس دن دهانزاده مقصدده خادم اولور؛ بریملی اشترات ایسه بالعکس ترفع مقصدیه قولایلیر. بوندن ماعدا معاملدنك عند ایدلدیکی زمانك ده مهم تأثیرنی واردر. بریم جوابنك تقریبی ائسانسده بریمك رفعی ویا ترکنی مستلزم اولاجق یعنی قارشیده کئی بوکا اجبارایده جك صورتده فیئانلرده بر حرکت ویریله بیلیر. بو حرکت واقعه یالکیز دوغرودن دوغرویه بر معامله اجراسیله وجوده کتیرلیوب دیگر اسپه کولاتورلرده بوکا محبور قیلیر.

اسپه کولاتور ترفع وجوده کتیرمك ایسته بورسه استونلو ایله بوکا مقتدر اولایبیلرلر. بیلورزكه استونلو آز چوق اوزون بر مساعدده ایله اشترایدیش اولان سنداتك درحال تسلیمنی طلب ایتك دیمکدر. هر نه قدر بایدج مقابله عرف و عاداتك کندینه بخش ایتدیکی مهلتی استعمال ایدمیلیرسه ده بوکا رغماًینه بومعامله کندیبی ایچین مضردر. بوضورتله آجیقدن صانان باعلاری منهزم ایتك، اولنری تنقیب ایتكده اولدقلری یولدن چویرمك ممکن اولوركه بو بورسه ده برموقتیدر.

بویجی بیتیرمردن اول شوقطه یی ذکر ایدم: سنداتك فاضلرینك زمان تأدیسه ندی یعنی قوبونلرك اغرازی ائسانسده بر چوق بشین یاره ایله اشترات وقوع بولور. بو اشترات سندات متموجه نك یعنی بورسه ده موجود مبدول سنداتك مقدارینی تنقیص ایتدیکی جهته بالطبع فیانلر اوزرنده ایقاع تأثیر ایدرک احوالی عمومیتله قوبونلر مقابله الیدی قنض ویا حصه تمتیینه قیم منقولیه بالخاصه کندینه کافی، موجب منونیت بر ایراد کتیرمش اولان سنداته وضع ایتك ارزوسنده یولونور. ایسته بوندن دولاییدرکه بویله زمانلرده فیئانلرده، مهم بر ثبات ویا خود ترفع حصوله کلیر. میدان تداوله سندات و تحویلات اخراج ایدجك اولان شرکتلر، سندقلر بونی بیلدکلری ایچین اکثریا بوزمانی اختیار ایدرک تأمین موقتیت ایلرلر. مابعدی وار